

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1445


21.08.2014թվ.

ՀՀ ոստիկանության պետ,

գեներալ-լեյտենանտ՝

պարոն՝ Վ.Գասպարյանին

Հարգելի պարոն Գասպարյան,



Դիտորդական խումբը մոտ մեկ տարի առաջ դիմել էր Ձեզ, Դիտորդական խմբի ներքին կանոնակարգում լրացումներ և փոփոխություններ կատարելու համար:

2013թ-ի ընթացքում 13 կետից բաղկացած առաջարկությունների փաթեթից միայն ոստիկանության կողմից ընդունելի է եղել և մասնակի կատարվել է փոփոխություն՝ 4 կետի վերաբերյալ:

Այսպիսով, անցած մեկ տարվա Դիտորդական խմբի աշխատանքները ցույց են տվել, որ կարգում լուրջ փոփոխություններ կատարելու անհարժեշտություն կա, որովհետև ներկայիս գործող ներքին կանոնակարգով խոչընդոտները և սահմանափակումները Դիտորդական խմբի աշխատանքներում շատ են:


Խնդրում ենք ուսումնասիրել կից ներկայացված ՀՀ ոստիկանության ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի ներքին կանոնակարգում անհրաժեշտ փոփոխություններ և լրացումներ կատարելու մասին առաջարկը:

Կանխավ հայտնում ենք մեր շնորհակալությունը և ակնկալում ենք ոչ միակողմանի, այլ՝ Ձեր օբյեկտիվ մոտեցումը նշված հարցի վերաբերյալ:

Հարգանքներով՝

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝

Հ. Սահակյան



Հայաստանի Հանրապետության ոստիկանության համակարգի

ձեռքակալված անձանց պահելու վայրերում

հասարակական դիտորդների խմբի

գործունեության կարգը սահմանող՝

ՀՀ ոստիկանության պետի 2005 թ. հունվարի 14-ի

թիվ 1-Ն հրամանում

փոփոխություններ եվ լրացումներ կատարելու մասին

ԱՌԱՋԱՐԿ

Հայաստանի Հանրապետության ոստիկանության համակարգի ձեռքակալված անձանց պահելու վայրերում հասարակական դիտորդների խումբը, բարձր գնահատելով ՀՀ Ոստիկանության համագործակցության պատրաստակամությունը, արձագանքումը վերջինիս ներկայացվող խնդիրներին և հիմնվելով խմբի գործունեության երկարամյա փորձի վրա, հանգել է այն եզրակացության, որ Դիտորդական խմբի աշխատանքների արդյունավետության բարձրացման և գործունեության նպատակներին հասնելու համար անհրաժեշտ է կատարել որոշակի փոփոխություններ Դիտորդական խմբի գործունեության կարգի մեջ, որոնք ներկայացվում են ստորև.

<i>Գործող կարգ</i>	<u>9-րդ կետ</u>
<i>Գործող կարգի պահանջը</i>	<p>Խմբի անդամ չի կարող լինել այն անձը, ով՝ ե) հանդիսանում է փաստաբան:</p>
<i>Կարգի փոփոխություն կատարելու առաջարկը</i>	<p>ե) ենթակետերը ճանաչել ուժը կորցրած:</p>
<i>Հիմնավորում</i>	<p>Խումբը անհրաժեշտ է համալրել պրակտիկ գործունեությամբ զբաղվող իրավաբանով, ով կկարողանա վերհանել իրավական խնդիրները, խախտումները, տալ դրանց իրավական նկարագիրը և բացատրությունը: Բացի այդ՝ դիտորդական խմբի կարծիքով փաստաբանի մասնակցության արգելքը չունի օբյեկտիվ հիմք, քանի որ այլ միջոցներով և մեխանիզմների ներդրմամբ կարելի է լուծել շահերի բախման ռիսկը:</p>

Գործող կարգ	12-րդ կետ
Գործող կարգի պահանջը	<p>Խմբին առաջադրված խնդիրները լուծելու նպատակով խմբի անդամներն իրավունք ունեն անարգել այցելել ՁՊՎ-ներ, հանդիպել ՁՊՎ-ում պահվող անձանց, ծանոթանալ ՁՊՎ-ների գործունեությունը կանոնակարգող ներքին իրավական ակտերին, ՁՊՎ-ում պահվող անձի համաձայնությամբ՝ նրա անձնական գործին և գրագրությանը, բացառությամբ պետական և ծառայողական գաղտնիք հանդիսացող փաստաթղթերի:</p>
Կարգի փոփոխություն կատարելու առաջարկը	<p><u>12-րդ կետը վերաշարադրել հետևյալ կերպ.</u> <u><< Խմբին առաջադրված խնդիրները լուծելու նպատակով խմբի անդամներն իրավունք ունեն անարգել այցելել ՁՊՎ-ներ, հանդիպել ՁՊՎ-ում պահվող անձանց, ծանոթանալ ՁՊՎ-ների գործունեությունը կանոնակարգող ներքին իրավական ակտերին, գրագրությանը, ՁՊՎ-ում պահվող անձի համաձայնությամբ՝ նրա անհատական քարտին >>:</u></p>
Հիմնավորում	<p>Նման փոփոխություն իրականացնելու անհրաժեշտությունն ուղղված է խմբի աշխատանքների արդյունավետության բարձրացմանը: Ներկայիս շարադրությամբ գործող դրույթը սահմանափակում է խմբի արդյունավետ գործունեությունը և հնարավորություն չի ընձեռնում խմբին իրականացնելու բազմակողմանի ուսումնասիրություն: Մասնավորապես՝ անհամաչափորեն սահմանափակվել է անձնական գործում գտնվող այնպիսի փաստաթղթերի հասանելիությունը, որոնք իրենց մեջ չեն պարունակում անձի ինքնությունը նույնականացող տվյալներ: Անձնական գործում առկա են փաստաթղթեր, որոնց ուսումնասիրությամբ և այլ փաստաթղթերի հետ համադրության ու գնահատման միջոցով միայն հնարավոր կլինի պարզել մարդու իրավունքների խախտման դեպքերը և իրականացնել արդյունավետ վերահսկողություն:</p>

<p><i>Գործող կարգ</i></p>	<p><u>14-րդ կետի</u></p>
<p><i>Գործող կարգի պահանջը</i></p>	<p>Երրորդ պարբերությունը - Ընթացիկ հաշվետվություններում կարող են ներկայացվել ՁՊՎ-ներում պահվող անձանց իրավունքների խախտման, ինչպես նաև խմբի լիազորությունների իրականացմանը խոչընդոտելու կոնկրետ դեպքեր: Ընթացիկ հաշվետվությունների կապակցությամբ մեկնաբանությունները տրվում են քառասուն օրվա ընթացքում:</p>
<p><i>Կարգի փոփոխություն կատարելու առաջարկը</i></p>	<p><i>Երրորդ պարբերության «<u>ընթացքում</u>» բառից հետո_ լրացնել հետևյալ բովանդակությունը. «<u>բացատրությամբ հրատապ դեպքերի, որոնց մեկնաբանությունները տրվում են տասը աշխատանքային օրվա ընթացքում</u>»:</i></p>
<p><i>Հիմնավորում</i></p>	<p><i>Այս փոփոխությունը անհրաժեշտ է հրատապ խնդիրներին առավել արագ արձագանքելու համար, քանի որ լինում են դեպքեր, երբ խմբի կողմից ներկայացված հաշվետվություններին անհրաժեշտ է պատասխանել դեպքի հրատապությանը համահունչ ողջամիտ ժամկետում: Դիտորդական խումբը չի տեսնում որևէ օբյեկտիվ պատճառ այս առաջարկությունը մերժելու համար:</i></p>

Գործող կարգ	15¹-րդ կետի
Գործող կարգի պահանջը	Գործող կարգում չկա 15 ¹ –րդ կետ և անհրաժեշտություն է առաջացել այն լրացնել:
Կարգի փոփոխություն կատարելու առաջարկը	<p><u>Կարգի 15-րդ կետից հետո լրացնել 15.1 կետը՝ հետևյալ բովանդակությամբ.</u></p> <p><u><< Խմբի գործության արդյունավետության բարձրացման նպատակով Խումբն իր գործունեության մեջ կարող է ներգրավել համապատասխան մասնագիտական ուղղվածությամբ փորձագետներ: Խմբի միջնորդությամբ Հայաստանի Հանրապետության ոստիկանությունը փորձագետին տալիս է ժամանակավոր անցաթուղթ՝ ձեռքակալված անձանց պահելու վայրեր այցելելու համար:</u></p> <p><u>Փորձագետը կարող է այցելել ձեռքակալված անձանց պահելու վայրեր միայն Խմբի անդամների հետ>>:</u></p>
Հիմնավորում	<p>Դիտորդական խմբի կողմից մշտապես բարձրացվել է փորձագետ ունենալու հարցը: Վերջինս՝ իր համապատասխան և անհրաժեշտ մասնագիտական գիտելիքներով կաջակցի խմբի մասնագիտական զարգացմանը, աշխատանքների ճիշտ և արդյունավետ կազմակերպմանը:</p> <p>Դիտորդական խմբի կարծիքով անհրաժեշտ է նաև փորձագետներին ընձեռնել խմբի անդամների ուղեկցությամբ ՁՊՎ այցելելու հնարավորություն՝ այցելության աշխատանքները գնահատելու և առաջարկություններ ներկայացնելու համար:</p>

Գործող կարգ	<u>20-րդ կետի</u>
Գործող կարգի պահանջը	Երկրորդ պարբերության - Խմբի գործունեության էթիկայի կանոնները հաստատվում են խմբի նիստի կողմից՝ խմբի անդամների երկու երրորդի հավանությամբ:
Կարգի փոփոխություն կատարելու առաջարկը	Երկրորդ պարբերությունը ճանաչել ուժը կորցրած:
Հիմնավորում	Այս դրույթը արդեն իսկ նախատեսված է 19-րդ կետի 2-րդ պարբերությունում, իսկ 20-րդ կետում կրկնվում է, որը հակասում է <<Իրավական ակտերի մասին>> ՀՀ օրենքի 45-րդ հոդվածի 2-րդ կետին, այն է՝ իրավական ակտերում պետք է բացառվեն իրավական նորմերի անհիմն կրկնությունները, ներքին հակասությունները:

Գործող կարգ	<u>22-րդ կետի</u>
Գործող կարգի պահանջը	<p>Խմբի անդամի լիազորությունները դադարեցվում են Հայաստանի Հանրապետության ոստիկանության պետի հրամանով, եթե.</p> <p>ե) խախտել է սույն կարգով, կամ խմբի գործունեության էթիկայի կանոններով, կամ ՁՊՎ-ի գործունեությունը կանոնակարգող իրավական ակտերով սահմանված դրույթները.</p>
Կարգի փոփոխություն կատարելու առաջարկը	<p><i><ե> կետում <<դրույթները>> բառից հետո լրացնել հետևյալ նախադասությունը.</i></p> <p><i><և առկա է խմբի անդամների երկու երրորդի միջնորդությունը>></i></p>
Հիմնավորում	<p>Ներկայիս գործող շարադրությամբ <ե> կետի իրագործման մեխանիզմը բացակայում է և հստակ չէ, թե ինչպես և ում կողմից կարող է բացահայտվել իրավական ակտերի խախտման փաստը: Առաջարկվող փոփոխությունը հնարավոր է դարձնում <ե> կետի կենսագործումը:</p>